



**ZAPISNIK O RADU 29. SJEDNICE
KOLEGIJA GRADSKOG VIJEĆA GRADA SARAJEVA**
održane 04.07.2018. godine

Broj: 01-GV-02-809/18

Datum: 04.07.2018. godine

Prisutni:

1. Dr. Igor Gavrić, Predsjedavajući Gradskog vijeća
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miro Lazović, predsjedavajući Kluba gradskih vijećnika SDP-a
6. Sanela Holjan, zamjenica predsjedavajuće Kluba gradskih vijećnika SBB
7. Mr. Vibor Handžić, predsjedavajući Kluba gradskih vijećnika Naše stranke
8. Mr. Sead Srna, predsjedavajući Kluba gradskih vijećnika "ASA"
9. Lana Velić, predsjedavajuća Kluba gradskih vijećnika DF
10. Nuko Grebović, zamjenik predsjedavajućeg Kluba gradskih vijećnika GRAĐANSKI SAVEZ – SAVEZ ZA STARI GRAD
11. Srđan Srdić, predsjedavajući Kluba samostalnih gradskih vijećnika Srdić – Stojnić
12. Bajro Biber, predsjedavajući Kluba gradskih vijećnika BOSS – USD
13. Safet Krajišnik, sekretar Gradskog vijeća

Sjednici je prisustvovala po ovlaštenju Gradonačelnika Subha Krajišnik, pomoćnik Gradonačelnika za opću upravu i zajedničke poslove.

Sjednici je prisustvovala Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatirao kvorum za punovažan rad i odlučivanje.

Bez rasprave, na prijedlog Predsjedavajućeg Gradskog vijeća, jednoglasno je usvojen Zapisnik o radu 28. sjednice Kolegija Gradskog vijeća Grada Sarajeva.

Na prijedlog Predsjedavajućeg, jednoglasno je usvojen sljedeći **dnevni red**:

1. Priprema za održavanje 18. sjednice Gradskog vijeća Grada Sarajeva
2. Tekuća pitanja (Akt gradske vijećnice)

Ad 1)

a. Termin održavanja sjednice i dinamika aktivnosti u pripremi 18. sjednice Gradskog vijeća

Poslije rasprave i sažetka Predsjedavajućeg, konstatirano je, odnosno zaključeno sljedeće.

- 18. sjednica Gradskog vijeća će se održati 25.07.2018. godine.
- Predlagači će prijedloge sa materijalima za razmatranje na 18. sjednici dostaviti Predsjedavajućem u četvrtak do 12 sati.
- Sjednice radnih tijela u pripremi 18. sjednice Gradskog vijeća održat će se u sedmici koja počinje s ponedjeljkom 09.07.2018. godine.
- Pozivi gradskim vijećnicima za 18. sjednicu Gradskog vijeća uputit će se u utorak 17.07.2018. godine.

b) Praćenje realizacije Programa rada Gradskog vijeća Grada Sarajeva

Poslije rasprave i sažetka Predsjedavajućeg, konstatirano je, odnosno zaključeno sljedeće.

Informacija o realizaciji vijećnički pitanja i inicijativa za tekuću godinu programirana za razmatranje u julu mjesecu, prema informaciji Gradonačelnika spremna je, te se očekuje u prijedlogu dnevnog reda 18. sjednice Gradskog vijeća.

Izvještaj o korištenju sredstava tekuće rezerve, u Program rada Gradskog vijeća za tekuću godinu evidentiran je kao informativni materijal koji se upućuje vijećnicima u julu mjesecu.

Prema informaciji Gradonačelnika materijal je spreman i bit će upućen gradskim vijećnicima uz poziv za 18. sjednicu Gradskog vijeća.

Izvještaj o preduzetim aktivnostima i toku priprema za održavanje EYOF 2019., programiran za razmatranje u julu mjesecu, prema informaciji Gradonačelnika nije spreman i neće moći biti uvršten u prijedlog dnevnog reda 18. sjednice Gradskog vijeća, budući da Skupština EYOF 2019, d.o.o. nije razmatrala, odnosno nije usvojila Izvještaj koji bi se mogao uputiti Gradskom vijeću na razmatranje.

Nacrt Programa međunarodne suradnje Grada Sarajeva za 2019. godinu, programiran za razmatranje u julu mjesecu, prema informaciji Gradonačelnika nije spreman i neće moći biti uvršten u prijedlog dnevnog reda 18. sjednice Gradskog vijeća, a Gradonačelnik će radni materijal za utvrđivanje Nacrta Programa, uputiti Gradskom vijeću - Komisiji za međunarodnu suradnju u potrebnom roku da se Nacrt Programa razmatra na oktobarskoj sjednici Gradskog vijeća, uz obrazloženje Gradonačelnika od 03.07.2018. godine koje se arhivira u prilogu ovog zapisnika.

c. Obaveze od ranije

Nacrt Strategije za mlade Grada Sarajeva, čije je razmatranje programirano za juni mjesec, pa odloženo, prema informaciji Gradonačelnika ni sada nije spreman i neće moći biti uvršten u prijedlog dnevnog reda 18. sjednice Gradskog vijeća, a prema obrazloženju Gradonačelnika od 01.06.2018. godine, dostavljenom Predsjedavajućem Gradskog vijeća na sjednici Kolegija, u pisanoj formi, koje se arhivira u prilogu ovog zapisnika.

I dalje se odlaže razmatranje akata iz oblasti urbanog planiranja (među kojima je i izrada elaborata o korištenju javnih površina) programiranih za razmatranje na sjednicama Gradskog vijeća u aprilu, maju, odnosno junu mjesecu, a čije razmatranje je odloženo, uz određena obrazloženja Gradonačelnika, ranije prezentirana Kolegiju Gradskog vijeća, i to:

- Prijedlog Odluke o usvjanju Regulacionog plana „Švrakino Selo-Aneks“ sa Odlukom o provođenju Regulacionog plana „Švrakino Selo-Aneks
- Nacrta Odluke o usvjanju Regulacionog plana „Brdo Hrasno“ sa Odlukom o provođenju Regulacionog plana „Brdo Hrasno“ i
- Prijedloga Odluke o usvjanju Regulacionog plana „Kvadrant C – Marijin Dvor“ sa Odlukom o provođenju Regulacionog plana „Kvadrant C – Marijin Dvor“
- Nacrta Odluke o usvjanju Regulacionog plana „Reljevo“ sa Odlukom o provođenju Regulacionog plana „Reljevo“
- Prijedloga Odluke o usvajanju s Prijedlogom Odluke o provođenju Regulacionog plana „Rajlovac III“
- Prijedloga Odluke o usvajanju s Prijedlogom Odluke o provođenju Regulacionog plana „Vraca“
- Nacrt/Prijedlog Elaborata o postavljanju reklamnih panoa i drugih sadržaja uz uređena korita vodotoka iz nadležnosti Grada Sarajeva
- Elaborata o izradi slobodnostojećih reklamnih panoa i slobodnostojećih displeja na javnim povišinama

Nacrta Odluke o izmjenama i dopunama Odluke o spomenicima od značaja za Grad Sarajevo, čije je razmatranje programirano za maj mjesec, pa odloženo za juli, prema informaciji Gradonačelnika ni sada nije spreman i neće moći biti uvršten u prijedlog dnevnog reda 18. sjednice Gradskog vijeća, a prema ranije datom obrazloženju Gradonačelnika.

U vezi sa najavom sa 17. sjednice Gradskog vijeća, uz poziv za 18. sjednicu će se kao informativni materijal, Gradskom vijeću dostaviti i Informacija o saradnji i odnosima Grada Sarajeva s vjerskim zajednicama i crkvama, primljena k znanju na 17. sjednici Gradskog vijeća.

Kolegij je upoznat da će za septembarsku, odnosno oktobarsku sjednicu Gradskog vijeća biti pripremljene:

- Informacija o realizaciji zaključaka Gradskog vijeća upućenih Gradonačelniku
- Informacija o realizaciji obaveza Gradonačelnika nastalih usvajanjem odluka Gradskog vijeća

d. Novi prijedlozi

I. Poslije rasprave i sažetka Predsjedavajućeg, konstatirano je, odnosno zaključeno kako slijedi.

Prijedlog Odluke o izmjenama i dopunama Odluke o pristupanju izradi Regulacionog plana "Reljevo", koji nije uvršten u prijedlog dnevnog reda 17. sjednice Gradskog vijeća po razmatranju prethodnih pitanja, Gradonačelnik će ponovo uputiti na razmatranje za 18. sjednicu Gradskog vijeća.

Kolegij Gradskog vijeća traži od Gradonačelnika da dodatno obrazloži razloge za predlaganje Odluke o izmjenama i dopunama Odluke o pristupanju izradi Regulacionog plana "Reljevo", kako bi se gradski vijećnici mogli osnovano opredijeliti o uvrštavanju ove teme u dnevni red 18. sjednice Gradskog vijeća.

II. Poslije iznesenog prijedloga i obrazloženja Gradonačelnika, konstatirano je kako slijedi.

Gradonačelnik će za razmatranje na 18. sjednici Gradskog vijeća uputiti i Prijedlog Odluke o davanju saglasnosti na Nagodbu u pravnoj stvari tužitelja City Mark Plus d.o.o. Sarajevo protiv tuženog Grada Sarajeva.

e) Mogući prijedlog dnevnog reda 18. sjednice Gradskog vijeća

1. Prijedlog Odluke o izmjenama i dopunama Odluke o pristupanju izradi Regulacionog plana "Reljevo"
2. Prijedlog Odluke o davanju saglasnosti na Nagodbu u pravnoj stvari tužitelja City Mark Plus d.o.o. Sarajevo protiv tuženog Grada Sarajeva
3. Informacija o realizaciji vijećnički pitanja i inicijativa za tekuću godinu
4. Vijećnička pitanja i inicijative

Informativni materijal:

- Izvještaj o korištenju sredstava tekuće rezerve
- Informacija o saradnji i odnosima Grada Sarajeva s vjerskim zajednicama i crkvama

Ad 2)

a) Kolegij je razmotrio prijedlog gradske vijećnice Tee Mušić dostavljen uz poziv za sjednicu, te je konstatirano sljedeće.

Svim gradskim vijećnicima će se dostaviti izneseni prijedlog, zajedno sa podacima o računu na koje se može izvršiti uplata kako bi se gradski vijećnici, prema vlastitom opredjeljenju, bez obaveze, mogli odlučiti o individualnoj donaciji.

b) Poslije rasprave o zabrinjavajućem stanju sigurnosti saobraćaja u Sarajevu i Bosni i Hercegovini, a u povodu nedavne teške saobraćajne nesreće na brznoj cesti na ulazu u Sarajevo, u kojoj su izgubljena tri mlada života, Kolegij Gradskog vijeća upućuje Gradskom vijeću i traži podršku za inicijativu koja će se uputiti nadležnim organima, a koja glasi:

Grad Sarajevo upućuje apel nadležnima u Kantonu Sarajevo, ali i lokalnim zajednicama i javnim medijskim servisima da poduzmu aktivnosti, u okviru svog djelokruga i raspoloživih mogućnosti, kojima će se kontinuirano, u dužem periodu, voditi snažna kampanja, s ciljem podizanja svijesti o neophodnosti jačanja odgovornosti svih učesnika u saobraćaju i svijesti o teškim i trajnim posljedicama koje mogu nastati zbog neodgovornih postupaka svih subjekata.

- c) Na prijedlog gradskog vijećnika Velije Katice i predsjedavajućeg Odbora za dodjelu „Šestoaprilske nagrade Grada Sarajeva“, vođena je rasprava o neriješenom problemu plaćanja naknade za rad članovima Odbora u 2018. godini.

Poslije rasprave i sažetka Predsjedavajućeg, konstatirano je sljedeće.

Predsjedavajući Gradskog vijeća, u skladu s propisanom procedurom, uputit će Gradskom vijeću - Komisiji za Statut i akte - inicijativu za utvrđivanje prijedloga autentičnog tumačenja odgovarajućih odredbi Odluke o platama i naknadama u organima Grada Sarajeva, u potrebnom roku da se očekivani prijedlog autentičnog tumačenja uvrsti u prijedlog dnevnog reda 18. sjednice Gradskog vijeća, a s ciljem stvaranja jasnog i nedvosmislenog osnova za isplatu naknade, u svemu u skladu s važećom Odlukom Administrativne komisije Gradskog vijeća o utvrđivanju visine naknade članovima Odbora za dodjelu „Šestoaprilske nagrade Grada Sarajeva“ u 2018. godini.

SEKRETAR GRADSKOG VIJEĆA

Safet Krajišnik, s.r.

PREDSJEDAVAJUĆI GRADSKOG VIJEĆA

Dr. Igor Gavrić, s.r.



**ZAPISNIK O RADU 30. SJEDNICE
KOLEGIJA GRADSKOG VIJEĆA GRADA SARAJEVA**

održane 25.07.2018. godine

(u toku 18. sjednice Gradskog vijeća Grada Sarajeva)

Broj: 01-GV-02-860/18

Datum: 25.07.2018. godine

Prisutni:

1. Dr. Igor Gavrić, Predsjedavajući Gradskog vijeća
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miro Lazović, predsjedavajući Kluba gradskih vijećnika SDP-a
6. Tea Mušić, predsjedavajuća Kluba gradskih vijećnika SBB
7. Mr. Vibor Handžić, predsjedavajući Kluba gradskih vijećnika Naše stranke
8. Mr. Sead Srna, predsjedavajući Kluba gradskih vijećnika "ASA"
9. Lana Velić, predsjedavajuća Kluba gradskih vijećnika DF
10. Nuko Grebović, zamjenik predsjedavajućeg Kluba gradskih vijećnika GRAĐANSKI SAVEZ – SAVEZ ZA STARI GRAD
11. Srđan Srdić, predsjedavajući Kluba samostalnih gradskih vijećnika Srdić – Stojnić
12. Safet Krajišnik, sekretar Gradskog vijeća

Sjednici je prisustvovao Mr. Abdulah Skaka, Gradonačelnik Grada Sarajeva.

Sjednici je prisustvovala Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Sjednicom Kolegija Gradskog vijeća koja je održana u toku 18. sjednice Gradskog vijeća Grada Sarajeva predsjedavao je dr. Igor Gavrić, predsjedavajući Gradskog vijeća Grada Sarajeva.

Kolegij Gradskog vijeća je razmatrao prijedlog Gradonačelnika da se u prijedlog dnevnog reda 18. sjednice Gradskog vijeća Grada Sarajeva, za razmatranje po hitnom postupku, uvrsti Prijedlog Odluke o davanju imena česmi u općini Stari Grad, ulica Terzibašina broj 1, Hatidža Mehmedović.

Uvodno izlaganje s obrazloženjem hitnosti dao je Gradonačelnik.

Usljedila je rasprava u kojoj su sudjelovali dr. Igor Gavrić, Edina Gabela, prof. dr. Velija Katica, Miro Lazović, Tea Mušić, Lana Velić, Nuko Grebović i Safet Krajišnik.

Poslije uvodnog obrazloženja Gradonačelnika, te rasprave članova Kolegija, Kolegij Gradskog vijeća je konstatirao sljedeće.

1. Kolegij Gradskog vijeća je razmotrio prijedlog Gradonačelnika da Gradsko vijeće danas na svojoj 18. sjednici donese odluku o podizanju spomen obilježja Hatidži Mehmedović na javnoj česmi u ulici Terzibašina broj 1 na području Općine Stari Grad Sarajevo, po hitnom postupku, uz izneseno obrazloženje Gradonačelnika o razlozima za predlaganje hitnog postupka u izuzetno kratkom roku.
2. Kolegij Gradskog vijeća je podržao namjeru Gradonačelnika da Grad Sarajevo na primjeren način oda počast i iskaže pijetet preminuloj predsjednici Udruženja „Majke Srebrenice“ Hatidži Mehmedović.

*SEKRETAR GRADSKOG VIJEĆA
Safet Krajišnik, s.r.*

*PREDSJEDAVALJUĆI GRADSKOG VIJEĆA
Dr. Igor Gavrić, s.r.*